

Penyu mati akibat kipas bot

KEMAMAN - Kematian seekor penyu yang bangkainya dijumpai terdampar di Pantai Kuala Kerteh tiga hari lalu dipercayai akibat terkena kipas bot.

Pengarah Jabatan Perikanan Negeri Terengganu, Zawawi Ali berkata, sehingga kini sebanyak 46 ekor kematian penyu direkodkan berlaku sepanjang tahun ini.

"Bagaimanapun peratus kematian penyu yang direkodkan itu masih lagi rendah iaitu kira-kira 0.0167 peratus.

"Untuk mengatasi kes ini, tindakan kita teruskan seperti biasa dengan memberi kesedaran kepada nelayan dan mempertingkatkan lagi penguatkuasaan," katanya.

Kata beliau, hasil penguatkuasaan yang dilakukan, sehingga sekarang pihaknya berjaya merampas sebanyak 23 bidang pukuk pari.

Penggunaan pukuk pari di kawasan pesisir pantai merupakan salah satu punca utama kematian penyu yang

direkodkan.

Dalam pada itu, Zawawi memberitahu bahawa penyu yang ditemui mati di Pantai Kuala Kerteh itu adalah penyu betina yang dipercayai sudah matang dan berusia lingkungan umur 15 hingga 20 tahun.

Penyu malang dari spesies agar itu dipercayai menghampiri pantai untuk bertelur.

Sinar Harian semalam melaporkan seorang lelaki menjumpai bangkai penyu itu yang sudah reput ketika datang ke pantai berkenaan untuk bersiar-siar dan bersantai.



Bangkai seekor penyu yang ditemui terdampar di Pantai Kuala Kerteh.

Bangkai penyu reput ditemui

KEMAMAN - Bangkai seekor penyu dipercayai jenis karah dijumpai terdampar dalam keadaan sudah busuk dan reput di Pantai Kuala Kerteh, di sini, kira-kira jam 6 petang kemarin.

Bangkai spesies penyu ini ditemui seorang lelaki, Zawawi Wahab, 48, yang datang bersiar-siar dan bersantai di pantai berkenaan.

Zawawi berkata, sebaik melihat bangkai penyu itu, dia terkejut kerana ia sudah reput dan busuk.

bangkai yang ditinggalkan di Taman Wan Azeem, yang terletak kira-kira lima kilometer dari pantai tersebut.

Penyu berkenaan dipercayai penyu dewasa dan dianggarkan beratnya melebihi 50 kilogram.

Kata Zawawi, penemuan bangkai penyu itu adalah kes kedua kematian penyu di pantai itu dalam tempoh dua bulan kerana pada hujung lalu, terdapat satu kes penemuan bangkai penyu.

Laporan akhbar semalam mengenai bangkai penyu reput ditemui di Pantai Kuala Kerteh.